



戀歌

之一 溫度

你攬著阮 ê^ㄇ甜言蜜語
靜靜睏去矣
這是一領溫暖 ê 棉被
予霜凍 ê 眠夢慢慢仔 醒起來
這種 la-lun-á^ㄇ燒 ê 溫度
Tú^ㄇ好愛情來孵卵

有時陣傳來幾聲咳嗽
輕輕 ê 嗽，鑽過阮心肝
卻親像地動全款 驚惶……

阮翻身，kā^ㄇ棉被換好勢
用上媿 ê 角度 掩護著這粒卵
這粒慢慢有形 ê 卵
阮聽著內面 你歡喜 ê 心跳
Phih-phók-tsháinn phih-phók-tsháinn……

ㄇ ê：的

ㄇ á：仔

ㄇ tú：拄

ㄇ kā：共

阮攬著你 慢慢仔睏去
有棉被無棉被攏無 hiah^ㄟ重要
阮 kah-i^ㄟ這種溫度
這種 tú 好
會當來做眠夢 ê 溫度

之二 頭髮

你親像絲仔 ê 頭髮
將美妙 ê 音樂吹亂去
攏佇阮隘隘心房共響--ê
只 tshun^ㄟ一寡仔哀怨 ê 琴聲
這是熱烈 ê 初戀
想欲光復青春 ê 詭計
毋過，閣 khah^ㄟ按怎甜言蜜語
嘛騙袂過佇目睭尾 泗水 ê 皺紋
一陣海風閣吹來
Kā 阮差一點仔講出喙 ê 愛
吹去 tsiok 遠 tsiok 遠.....
天星佇水面閃爍，無小心
講出大船暗暝 ê 心事
青春不再
夢想 pháng-kinn 佇大海漂流
你 ê 頭髮是風
吹著少年時憂悶 ê 結
阮 ê 面容變做一隻風吹，飛起來
飛起來 後面猶原拖著一條長長 ê

ㄟ hiah：遐

ㄟ kah-i：恰意

ㄟ tshun：賸

ㄟ khah：較

長長 ê 剪袂斷 ê 情絲.....

之三 記號

毋管是著，抑是毋著
是你，是你一路陪阮 對
遙遠 ê 過去行到這 mái^[9] ê 所在
雖然閣有一寡仔生份，毋過
嘛算真熟似

到底咱 ê 心，是有 juā^[10] 近
我想嘛免去計較 khîng 分
有定仔阮恬恬 ê 目矙
嘛會恬恬講出 我愛你.....

若按呢，咱 ê 心又閣是
離 juā 遠咧？

你金金看著我.....

親像一張批寄出去無回

Hiah 爾遠

阮 ê 心有一點點仔糟糟，但是
無怨嘆，嘛無後悔

每一个寫詩寂寞 ê 暗暝

阮攏會用目屎來檢視

開佇靈魂若花 ê 空喙，因為

He^[11]是

阮愛你 ê 記號.....

^[9] mái：馬

^[10] juā：佸

^[11] he：彼

作者感言

每一个人攏有一條戀歌，每一个人嘛攏是一條戀歌。一个人一世，長長短短真歹講，愛，是予人向前行的人生力量。佇這個島國各民族之母語猶未消失進前，咱做伙用愛來祈禱，溫暖人性命的聲音，會久久長長永遠迴響……感謝評審先輩的賞識，戀歌，會閣繼續唱落去。

陳利成

彰化縣埔心國民中學 國文科教師

